

# BREXIT AGUS GNÓ

Ulmhaigh do ghnó  
don athrú.



Rialtas na hÉireann  
Government of Ireland



**Rialtas na hÉireann**  
**Government of Ireland**



Tá an Ríocht Aontaithe ar tí imeacht as an Aontas Eorpach.

Is cuma más gnó áitiúil thú nó cuideachta ollmhór ilnáisiúnta, caithfidh tú déanamh cinnte go mbeidh tú féin, d'fhoireann agus do ghnó réidh don athrú seo.

Tá roinnt céimeanna is féidir leat a ghlacadh anois le haghaidh do ghnó lena chinntiú go bhfuil tú **Ag Fáil Réidh don Brexit.**

## Téigh chuig [gov.ie/brexit](https://gov.ie/brexit)

Tá suíomh gréasáin amháin ag an Rialtas ar a bhfuil an fhaisnéis thábhachtach go léir a chaithfidh a bheith ar eolas agat maidir le Brexit.

Is cuma más gnó thú nó saoránach a bhfuil imní air, téigh chuig **[gov.ie/brexit](https://gov.ie/brexit)**

# Rudaí a bheidh le déanamh agat anois

Ar [gov.ie/brexit](https://gov.ie/brexit), is féidir leat breis eolas a fháil ar na h-abhair seo a leanas:

## ***Maidir le athbhreithniú a dhéanamh ar do shlabhra soláthair***

Má fhaigheann tú ábhair, stoc nó comhábhair bhia ón Ríocht Aontaithe nó má cheannaíonn tú aon táirgí eile ó mhórdhíoltóir nó ó dháileoir ón Ríocht Aontaithe, caithfidh tú gníomh a ghlacadh anois.

## ***Conas na rialacha nua maidir le hiompórtáil nó easpórtáil chuig an Ríochta Aontaithe a thuiscint***

Ní léir go fóill cén tionchar deiridh a bheidh ag Brexit ar shocruithe trádála leis an Ríocht Aontaithe. Mar sin féin, má théann do chuid earraí trí chustaim ag calafoirt nó tríd na haerfoirt, athrófar na rialacha.

Tá rudaí nach mór duit a dhéanamh anois ionas nach gcuirfear isteach ar do ghnó. Tá sé sin tábhachtach go háirithe do chomhlachtaí lastais, aon duine a bheidh ag iompar ainmhithe beo agus plandaí.

## ***Conas a bheith cinnte go bhfuil do chonarthaí baincéireachta agus dlí in ord***

Tá obair mhór déanta lena chinntiú go leanfaidh an tseirbhís ag imeacht i gcúrsaí baincéireachta, íocaíochtaí, margaí árachais agus airgeadais i ndiaidh Brexit. Tá roinnt oibreoirí sa Ríocht Aontaithe áfach a chaillfidh a gceart chun gnó a dhéanamh in Éirinn mura mbeidh céimeanna áirithe glactha acu.

Má tá imní ort, tá rudaí is féidir leat a dhéanamh.

**Chun tuilleadh eolais a fháil,  
téigh chuig [gov.ie/brexit](https://gov.ie/brexit)**

## ***Bí ar an eolas ar athruithe a d'fhéadfadh teacht ar iompar agus lóistíocht***

Beidh rialacha agus nósanna imeachta nua i gceist do ghnólachtaí a aistríonn earraí idir Éirinn agus tíortha eile an AE ar bóthar tríd an mBreatain ('an droichead talún'). Beidh ort cur amach a bheith agat orthu seo.

## ***Conas athbhreithniú a dhéanamh ar do dheimhniú, rialúchún & ceadúnú***

Má bhíonn tú ag brath ar dheimhnithe, ar cheadúnais agus ar údaruithe arna n-eisiúint sa Ríocht Aontaithe, d'fhéadfadh sé nach mbeidís bailí níos mó san Aontas Eorpach i ndiaidh Brexit. Tá sé sin fíor go háirithe do na hearnálacha seo a leanas: fearais leighis, ceimiceáin, táirgí tógála, agus seirbhísí in earnálacha iompair, i gcráoltóireacht agus in earnálacha airgeadais. Ní mór duit céimeanna riachtanacha a ghlacadh.

## ***Conas do shonraí a chosaint***

Má aistrítear sonraí pearsanta chuig an Ríocht Aontaithe agus/nó ar ais as mar chuid de do chuid gnó, ní mór duit a chinntiú go mbeidh dóthain cosaintí ann ionas gur féidir leat sonraí pearsanta a aistriú i ndiaidh Brexit.

## ***Conas d'fhoireann a chosaint agus iad a chuir ar an eolas***

Is é an t-ábhar is mó buartha do chuideachtaí agus a bhfoireann ná tionchar praiticiúil, riachtanais víosa chun taisteal chuig an Ríocht Aontaithe, agus cáilíochtaí gairmiúla agus ceadúnais chun cleachtadh a aithint ina measc siúd.

## ***Conas tuilleadh a fháil amach faoin tionchar ar d'earnáil***

Rinneadh go leor taighde agus tá léargas tugtha agus é curtha ar fáil ar an tionchar a bheidh ag Brexit ar gheilleagar na hÉireann agus ar d'earnáil. Tá sé go léir ar fáil ar [gov.ie/brexit](https://www.gov.ie/brexit)

# Tuaisceart Éireann

Is tosaíocht don Rialtas é i ngach uile cás teorainn chrua a sheachaint ar an oileán seo.

An bealach is fearr chun é sin a bhaint amach is ea an comhaontú aistarraingthe idir an AE-RA a bheidh idirbheartaithe. D'uireasa an chomhaontaithe sin, beidh sé níos dúshlánaí teorainn chrua a sheachaint agus beidh gá le plé níos sonraithe idir Éire agus an AE agus, sa deireadh thiar, leis an Ríocht Aontaithe. Sa chás sin, cuirfear an toradh, lena n-áirítear socruithe praiticiúla do ghnóthaí, go háirithe iad sin i limistéar na teorann agus iad sin atá i mbun trádála trasna na teorann, ar fáil go poiblí chomh luath agus is féidir.

Leanfaidh saoránaigh Éireannacha le saoránacht an AE a bheith acu pé áit a gcónaíonn siad. Leanfaidh siad le taitneamh a bhaint as an gceart chun taisteal agus cónaí agus oibriú áit ar bith san AE agus cosaint an AE a bheith acu in aghaidh idirdhealú. Ní gá do shaoránaigh Éireannacha dul i mbun aon ghnímh chun a saoránacht AE a chosaint.

Mar gheall ar an gComhlimistéar Taistil agus gnéithe eile den chomhoibriú Thuaidh-Theas, coinneofar rochtain thrasteorann ar sheirbhísí cosúil le sláinte agus oideachas.

# Clár, cistí agus tacaíochtaí eile le haghaidh Brexit

Léiríonn Brexit dúshlán suntasach do ghnóthaí na hÉireann. Sin é an fáth ar thosaigh an Rialtas, agus é ag obair le comhlachtaí sa tionscal, agus le grúpaí gnó, ag ullmhú tacaíochtaí do ghnó ón gcéad uair ar tuigeadh go bhféadfadh Brexit tarlú.

Tugann Rialtas na hÉireann tús áite d'fhonn a chinntiú gur féidir le gnóthaí rioscaí a bhainistiú agus deiseanna fáis a uasmhéadú.

Tá raon tacaíochtaí curtha le chéile chun cuidiú leat féin, le d'fhoireann agus le do ghnó. Baineann roinnt acu go sonrach leis an earnáil, baineann roinnt acu le gnóthaí beaga, agus baineann roinnt eile le gach gnó. Féach ar **gov.ie/brexit** go bhfeicfidh tú an bhfuil tú in ann:

- A mheas cibé an bhfuil tú réidh le haghaidh Brexit trí raon uirlisí ar líne
- Comhairle ghairmiúil a fháil dod' ghnó agus go háirithe dod' earnáil
- Foghlaim conas an riosca airgeadra a bhainistiú
- Leas a bhaint as tacaíochtaí airgeadais ar leith a forbraíodh chun cuidiú le do ghnó déileáil leis Brexit
- Deis a thabhairt dod' fhoireann scileanna nua a fhoghlaim chun dul i ngleic leis na dúshláin a bhaineann leis Brexit
- Fáil amach faoi imeachtaí an Rialtais ar fud na tíre chun cuidiú leat ullmhú dó

# Bí ar an eolas i gcónaí

D'fhéadfadh nach mbeadh an cás soiléir nó go mbeidh sé ag teacht chun cinn ar feadh roinnt ama. Mar sin bí ar an eolas maidir leis an nuacht is déanaí:

## Cláraigh don Nuachtlitir leis an Scéal is Déanaí ar Brexit

Cláraigh ar [gov.ie/brexit](https://gov.ie/brexit) dá mba mhaith leat faisnéis rialta faoi Brexit a fháil ar ríomhphost.

## Téigh i dteagmháil le d'ionadaí áitiúil sa tionscal nó le comhlacht trádála

Bhí ról lárnach ag comhlachtaí agus ag grúpaí ionadaíocha gairmiúla sa tionscal ón tús ag cuidiú le hÉirinn fáil réidh don Brexit. Ba cheart duit dul i dteagmháil le do ghrúpa ionadaíoch le feiceáil cén fhaisnéis bhreise a d'fhéadfadh a bheith acu dod' earnáil nó do réigiún.

## Lean 'Getting Ireland Brexit Ready' ar Twitter

Is é [@BrexitReadyIRL](https://twitter.com/BrexitReadyIRL) príomhchuntas Twitter an Rialtais don nuacht is déanaí maidir leis Brexit.

## Féach arís ar [gov.ie/brexit](https://gov.ie/brexit)

Táimid ag obair chun an suíomh gréasáin – [gov.ie/brexit](https://gov.ie/brexit) – a choimeád suas chun dáta leis an bhfaisnéis is déanaí. Féach ar an suíomh go rialta toisc go dtugtar faisnéis chun dáta go minic.

## An fios duit an méid atá á dhéanamh ag an AE le hullmhú?

Tá roinnt cinntí maidir leis Brexit a ghlacaimid lenár gcomhpháirtithe san Aontas Eorpach. Beidh sé áisiúil agat freisin féachaint ar a suíomh gréasáin chun an fhaisnéis is déanaí a fháil: [https://ec.europa.eu/info/brexit/brexit-preparedness\\_en](https://ec.europa.eu/info/brexit/brexit-preparedness_en)